



丹溪心法附餘卷之四

休寧東山百麻方廣約之類集

風門

破傷風

十一

丹溪心法

○破傷風多死 防風全蝎之類 非全蝎不開十箇為

末酒調日三次 破傷風血凝心鴉翎燒灰存性研細酒

調一錢

破傷

丹溪心法

一

百麻方

入方 破傷風發熱

瓜蒌子九錢 滑石一錢 南星

蒼朮

赤芍

陳皮一錢

黃連

炒栝

黃芩

白芷半錢

甘草些小

右姜一斤煎服

附諸方

防風湯後粹方治破傷風口傷寒表証未傳入裏宜急服

此藥

防風

羌活

獨活

川芎各等分

右以咀每服五七錢以二盞煎至一盞去渣通口服不

拘時候服後宜調蜈蚣散大効

蜈蚣散按粹方

蜈蚣一雙

江鯽五錢

左盤龍五錢炒

右為末每服二錢用防風湯調下如前藥鮮不已覺轉

入裏當服左龍丸服之漸漸看臟腑硬軟加巴豆霜

左龍丸按粹方治直視在裏者

左盤龍炒

殭蚕炒

江鯽炒

雄黃一錢

右為末燒飯丸桐子大服十九酒下如裏証不已當於

左龍丸內一半不入巴豆霜半錢燒飯丸桐子大同左

龍丸一處每服加一丸漸加服至利為度若利後更服

後藥若搐痊不已亦宜服後藥羌活湯

羌活湯按粹方

羌活 獨活 地榆 防風 各一兩

右以咀每服五七錢水二盞煎至一盞去渣通口服有

熱加黃芩有涎加半夏若病日久氣血漸虛邪氣入胃

全氣養血為度

養血當歸地黃湯按粹方

當歸 地黃 芍藥 川芎

白芷 各二兩 細辛 五錢

右為釐末每服一兩水二盞煎至一盞通口服食前

○已上五方治破傷風自表入裏之劑

羌活防風湯按粹方治破傷風邪初傷在表

羌活 防風 川芎 藁本

當歸 芍藥 甘草 各四兩 地榆

細辛 各二兩

右以咀每服一兩水二盞煎至一盞去渣溫服不拘時

量緊慢加減用之熱加黃芩二兩大便秘加大黃一兩

緩緩今過

白朮防風湯按粹方若服前藥過多有自汗者

白朮 黃耆 各一兩 防風 二兩

按傷

心法附錄卷之四

三

百三十一

右吹咀每服五六錢水二盞煎至一盞去渣溫服不拘
時候破傷風臟腑秘小便赤用熱藥自汗不休故知無
寒也宜速下之先用芎黃湯三二服後用大芎黃湯下
之

芎黃湯按粹方

川芎一兩

黃芩六錢

甘草一錢

右吹咀每服五七錢水二盞煎至一盞去渣溫服不拘
時候

大芎黃湯按粹方下藥

川芎半兩

羌活

黃芩

大黃各一兩

右吹咀每服一兩水二盞煎至一盞去渣溫服不拘時

羌活湯按粹方治半在表半在裏

羌活去芦

菊花去梗

麻黃去根節

白茯苓去皮

川芎

防風去芦

石膏研

前胡去芦

黃芩

蔓荊子

細辛去葉

枳殼各一兩

甘草

薄荷

香白芷各半

右吹咀每服一兩水二盞生姜五片煎至一盞去渣通
口服食後渣再煎服

白木湯按粹方治破傷風大汗不止筋掣搐搦

白木

葛根

芍藥

升麻

破傷

心法付余卷之四

日

百三十七

黃芩各五錢 甘草三錢半

右吹咀每服一兩水二盞煎至一盞去渣溫服不拘時

鱧魚丸按辨方 治破傷風驚而發搐臟腑秘澁知病在裏

可用下藥

江鱧剉炒 野鴿糞炒 白姜各五錢 雄黃一兩

蜈蚣一對 天麻一兩

右為末作三分二分用燒飯九桐子大硃砂為衣一分

巴豆霜二錢半亦燒飯九桐子大每服硃衣丸三十九

加巴豆霜九一丸第二服加二丸加至利為度再服硃

砂丸病愈止

○巴上七方亦治破傷風邪表裏之劑

玉真散瑞竹堂方 治破傷風及金刃傷打撲傷損

天南星防風等分

右為末破傷風以藥敷貼瘡口然後以溫酒調一錢如

牙痛緊急角弓反張用藥二錢童子小便調下或因歐

打內有損傷以藥一錢溫酒調下打傷欲死但心頭微

溫以童便灌下二錢併進二服天南星為防風所製服

之不麻衛生寶鑑名定風散治瘋狗咬破先口嚼漿水

洗淨用綿乾貼藥更不再發無膿大有効

如聖散聖惠方 治破傷風止血定疼

破傷

心法附錄卷之四

五

二百七十一

蒼朮 六兩

川烏頭炮去 防風

草烏頭炮去

細辛各二兩

兩頭尖炮去 天麻

川芎

白芷 各兩半

蝎稍微炒

雄黃 各半兩

損骨加乳香 半兩

右為細末每服一錢酒調下不拘時服

一方 治破傷風手足顛掉不已者

人手足指甲炒絕烟

硃砂另研

天南星姜製

獨活各二錢

右為末分作三服酒調下不拘時候

保命丹 治破傷風

辰砂

射香

川烏去皮尖

大半夏生各錢

藜蘆去土三錢

雄黃 半兩

右為末棗肉丸如雞頭實大每一丸嚼細溫酒下若牙

關急幹開灌下吐涎為効如吐不止生葱湯止之不吐

更用半丸大効

一字散 如前

金頭蜈蚣

一條半 頭足炙

天麻 半兩

草烏頭去聲 半兩

全蝎 十箇

香白芷 少許

右為末每服一字發熱茶清下發寒溫酒或半夏茯苓

湯下類溫熱

皮傷

心法附錄卷之四

五

二百七十一

天麻丸 治破傷風神效

天麻

川烏生去皮各三錢草烏生

雄黃各一錢

右為末酒糊丸桐子大每服十九溫酒下無時

元戎方治破傷風欲死者

川烏

南星

半夏並生

天麻去芦

右為細末每服一錢豆淋酒調下稍溫服次以酒三盞

投之

奪命散 治破傷風角弓反張牙關緊急

天麻

白芷

川烏

去皮各二錢

草烏

雄黃各一錢

右為末酒糊丸梧子大每服十九溫酒送下不拘時

蜈蚣散 治破傷風搐搦角弓反張

蜈蚣去毒炒

全蝎去毒炒

右為細末如發時用一字或二字擦牙縫內或吹鼻中

烏稍散 治破傷風及洗頭風

烏稍蛇酒浸一宿去骨六錢

麻黃一兩

草烏

乾姜

附子炮

川芎

白附子

天麻各半兩蝎稍二錢半

右為末每服一錢熱酒調下日三服重者三五日見效

治破傷風方 極有神效

初覺有風時急取熟糞堆內蟻蟪虫一二箇用手捏住待虫口中吐唾小水就抹在破傷處身穿稍厚衣裳待片時瘡口覺麻兩脇微汗風出立効 如風緊急速取此虫三五箇剪去尾將肚內黃水塗瘡口再滴唾小水熱酒內飲之汗出立効

○已上諸方散風毒之劑

胃風

十二

丹溪心法

○此因初飲食訖乘風涼而致其証脹滿食飲不下形瘦

腹大惡風頭汗隔塞不通胃風湯正始此然亦看挾證加減脈右關弦而緩帶浮

附諸方

胃風湯 按粹方 治虛風證能食麻木牙關急搐目內蠕爛

胃風面腫

白芷 一錢 升麻 二錢 葛根 一錢 蒼朮 一錢

甘草 一錢 柴胡 一錢 藁本 一錢 羌活 一錢

黃柏 一錢 草豆蔻 各三錢 麻黃 半錢 蔓荊子 一分

當歸身 一錢

右以咀水二盞薑三片棗一枚煎至一盞去渣溫服

胃風

法外餘卷之四

二百六十一

胃風湯 治風冷入於腸胃泄下鮮血或腸胃濕毒下如
豆汁或瘀血

人參

茯苓

川芎

當歸

桂

白朮

白芍等分

右剉水煎入粟米百餘粒同煎腹痛加木香

痛風

十三

附肢節痛

肩背痛

哥溪心法

四肢百節走痛是也他方謂之白虎歷節風証大率有痰
風熱風濕 血虛 因於風者小續命湯 因於濕者蒼

朮白朮之類佐以竹瀝 因於痰者二陳湯加酒炒黃芩

羌活蒼朮 因於血虛者用芎歸之類佐以紅花桃仁

大法之方蒼朮川芎白芷南星當歸酒黃芩在上者加羌

活威靈仙桂枝 在下者加牛膝防己木通黃柏 血虛

格致餘論詳言多用川芎當歸佐以桃仁紅花薄荷桂威靈

仙 治痛風取薄荷桂味薄者獨此能橫行手臂領南星蒼

朮等藥至痛處

入方

治上中下疼痛

南星 姜製

蒼朮 淋浸

黃柏 酒炒

各川芎 一兩

痛風

心法附錄卷之四

白芷 半兩

神麴炒一兩

桃仁 半兩

威靈仙

酒洗三錢

羌活 三錢走骨節

防己 行兩下

桂枝 行三錢橫紅花酒洗

半

草龍膽 下行半錢

右為末麴糊丸梧子大每服一百丸空心白湯下

張子元血氣虛有痰白濁陰火痛風

人參 一兩

白朮

熟苜

川黃柏 炒黑各二兩

山藥

海石

南星

各一兩

敗龜板

酒炙二兩

瑣陽 半兩

乾姜

燒灰半兩取其不走

右為末粥丸一云酒糊丸

臂痛方

蒼朮 一錢 半夏

南星

白朮

酒芍 炒

香附 各一錢 陳皮

蒼朮 各半錢

威靈仙 三錢 甘草 少許

別本加羌活 一錢

右以咀作一服入生姜二三片水煎服

二妙散 治筋骨疼痛因濕熱者有氣加氣藥血虛者加

補血藥痛甚者加生姜汁熱辣服之

黃柏 炒

蒼朮 炒

右二味為末沸湯入姜汁調服二物皆有雄壯之氣表

實氣實者加酒少許佐之 若痰帶熱者先以舟車丸

或導水丸神效丸下伐後以趣痛散服之

起痛散

乳香七分 沒藥七分 桃仁去皮尖五分 紅花五分

當歸八分 地龍酒炒六分 牛膝酒浸五分 羌活六分

甘草四分 五靈脂酒淘香附重便浸

或加酒炒酒柏各七分

右為末酒調二錢服

八珍丸 治痛風走注脚疾

乳香 沒藥 代赭石 穿山甲生用各

羌活 草烏生用各全蝎炒川烏生用

右為末醋糊丸如梧子大每服二十一丸溫酒送下

四炒散 痛風走注

威靈仙酒浸羊角灰二錢 白芥子一錢 蒼耳一錢半

右為末每服一錢生姜一大片搗汁入湯調服 又二

妙散同調服

又方 治酒濕痰痛風

黃栢酒炒 威靈仙酒炒各 蒼朮 羌活

甘草三錢 陳皮一錢 芍藥一錢

右為末每服一錢或二錢沸湯入姜汁調下

治氣實表實骨節痛方

滑石六錢 甘草一錢 香附 片苓各三錢

痛風 心去付余未之百 二 一 百 三百九

右為末姜汁糊丸如梧子大每服五七十九白湯吞下
又方 糯米一盞 黃躑躅根一握 黑豆半合

右用酒水各一碗煎徐徐服大吐大瀉一服便能行動

治食積肩腿痛

龜板酒浸炙 酒栢葉

香附半兩

辣芥子二錢

凌霄花半錢

右為末酒糊丸如梧子大煎四物湯加陳皮甘草湯下

附諸方

控涎丹 治一身及兩脇走痛痰挾死血者

甘草面裹煨 大戟制

真白芥菜子炒各等分

右為末加挑仁泥糊丸如梧子大每服五七丸漸加至

十九臨卧姜湯下

龍虎丹 治走注疼痛或麻木不遂或半身痛

草烏

蒼朮

白芷

各一兩 煨粗末 發熱盒過入後藥

乳香

沒藥

各三錢 另研

當歸

牛膝

各五錢

右為末酒糊丸如彈子大每服一丸温酒化下

乳香丸

白附子炮

南星

白芷

沒藥

赤小豆

荆芥

藿香

去土

骨碎補

去毛

痛風
心法附食名之四
一兩

乳香各一兩 五靈脂 川烏炮去皮 糯米炒各二兩

草烏炮去皮 京墨各五兩 松脂半兩 研

右為末酒糊丸梧子大每服十九至十五丸冷酒吞下
茶亦得不拘時忌熱物

一粒金丹 治一切風疾走注疼痛手足癱瘓麻木不仁
及白虎歷節等風

射香二錢 半好真黑燒烟盡 乳香

當歸酒洗晒 沒藥各七錢 白膠香另研 草烏去皮臍

地龍去土 木鱉去油 五靈脂各一兩

右為細末與前藥和勻用糯米糊為丸如雞頭實大每

服一九溫酒化下遠年近日寒濕脚氣臨發時空心服

一九脚面黑汗出為効初中風不醒人事牙關不開研

二丸酒調灌下立醒

天麻丹 治諸風癱瘓及白虎歷節風

烏頭八兩 蒼朮四兩 全蝎一兩 荆芥

防風 天麻各二兩

右為細末用豆腐和勻作餅入銅銚以水滿煮藥至半

沉半浮存性為度取出待半乾為丸如梧桐子大以硃

砂為衣臨卧時先嚼木瓜一片以好酒吞下二三十九

服後覺昏沉吐涎痰一二時為効

金棗丹 治一切風疾等証

川烏去皮生用 防風生用

兩頭尖 香白芷

獨活 荆芥 蔓荊子各四兩 白朮

羌活 細辛去土各半兩 全蝎 威靈仙

天麻 殭蚕各二兩 木香 雄黃各一兩

蒼木八兩 川芎五兩 乳香一兩 何首烏一兩

沒藥 草烏各一兩 藁本二兩 五當歸二兩

右為細末以糯米糊丸如棗樣大人坐消為衣每服一錠

傷風流涕好酒調服 諸般頭風細茶調服薄荷湯亦

可 中風不語生姜湯調下 左癱右瘓好酒調下

白虎歷節風遍身疼痛生薑湯或好酒調服 破傷風

昏倒在地牙關緊急用好酒調服仍將敷患處 雷頭

風并乾癬麻痺温酒調服 洗頭風温酒調服 偏正

頭疼及夾腦風研為末吹鼻孔中吐涎再用生薑汁調

藥塗兩太陽穴仍用茶清調服 風狗咬傷噲水洗淨

敷之 蜈蚣傷口噲水洗過敷之 蛇傷人白礬少許

敷患處以津唾調搽亦可 蝎傷唾調搽 痔漏口漱

漿水洗過敷之 多年惡瘡口不合者口漱鹽水洗過

敷徐合 嗽喘桑白皮湯調服 紅絲魚眼褲脚腦疔

發背疔瘡裏外臙瘡用自已小便洗過并水調敷薄紙

貼上再用裏外搽之 丹瘡并花水調藥毛翎掃三三

次 不發灸瘡口噙水洗過貼三二次知大可方止

乳香黑虎膏 治諸風寒濕骨節渾身疼痛 見中濕類

虎骨散 和劑方 治風毒邪氣乘虛攻注經絡之間痛無常

處晝靜夜甚筋脈拘攣不得屈伸

蒼耳子 微炒三兩 五加皮 一兩 骨碎補 三兩 虎脛骨 酥炙二兩

沒藥 三兩 當歸 去苗三兩 天麻 一兩 自然銅 細研三兩

防風 去苗 肉桂 去粗皮三兩 敗龜板 酥炙二兩 麒麟竭 細研

白芷 赤芍藥 白芫子 炮各一兩 酪換柳 一兩

羌活 去芦一兩 牛膝 去苗二兩

右為末入研藥令勻每服一錢溫酒調下不拘時

趁痛九 澹寮方 治走注歷節諸風軟痛卒中倒地跌撲傷

損

草烏頭 三兩不去皮 熟地黄 或胡南星

半夏麩 白僵蚕 烏藥 各半兩

右為末酒糊丸如梧桐子大晒乾每服五七丸空心溫

酒下如跌撲傷損姜汁和酒研十數丸塗傷處如卒中

倒地姜汁茶清研五七丸灌下立醒

虎骨丸 御藥院方 治經絡凝滯骨節疼痛筋脈攣急遇陰

寒愈痛

乳香另研

沒藥另研

赤芍藥

當歸

熟地黄

虎骨

酥炙各

血竭

二錢半

右為末用木瓜一枚切破去子入乳香一錢末在內麻
纏定毋令透氣好酒二升煮酒盡取木瓜去皮研入蜜
杵和丸如梧桐子大每服三五丸酒下

麒麟竭散

治寒濕搏於經絡以致氣血凝泣疼痛不可
忍者按粹方

血竭

乳香

沒藥

白芍藥

當歸

水蛭

炒令

射香

各二錢

虎脛骨

酥炙

右為末每三錢溫酒調下食前

透骨丹

治風濕腰腿筋骨疼痛

天麻散

秘方

治風濕疼痛黃腫

天麻

全蝎

各四兩

地黄

木瓜各二兩

沒藥

乳香

川山甲

各一錢

川芎

烏頭各二錢

牛膝

二錢酒

當歸

三錢

右為末每服三錢空心溫酒調服

○瘡按風寒濕入於經絡以致氣血凝泣津液稽留久

則成癰疽疔毒等症難行正邪交戰故作痛也須

氣未平烈暴悍之藥開鬱行氣破血豁痰則佛鬱開

榮衛行而病方已也又嘗論之成佛鬱乃有形之物

不過痰與血也。已上方中有偏於豁痰者，有偏於破血者，有均治痰血者。在人對証施治，不差可也。

小續命湯 見中風類

二陳湯 見痰類

舟車丸 見中濕類

神芎導水丸 見濕熱類

○肢節痛

丹溪心法

肢節痛須用羌活去風濕亦宜用之。如肥人肢節痛多是風濕與痰飲流注經絡而痛宜南星半夏。如瘦人性

人肢節痛是血虛宜四物湯加防風羌活。如瘦人性

急燥而肢節痛發熱是血熱宜四物湯加黃芩酒炒黃

栝 如肢節腫痛脈滑者當用燥濕宜蒼朮南星蕪行

氣藥木香枳殼檳榔在下者加漢防己。若肢節腫痛

脈澁數者此是瘀血宜桃仁紅花當歸川芎及大黃微

利之。如倦怠無力而肢節痛此是氣虛兼有痰飲疏

注宜參朮星半

丹溪無肢節痛條此文又載秋丹溪語姑書以知者

○肩背痛 新著

附諸方

痛風

通氣防風湯按粹方有皆痛不可迴顧者此太陽氣鬱而
不行以風藥散之脊痛項強腰似折項似拔者此足太
陽經不通也

羌活 獨活各一錢 藁本 防風

甘草各半錢 川芎 荆子各三分 水煎服

當歸拈痛湯按粹方治濕熱為病肢節煩痛肩背沉重胸

膈不利及遍身疼痛下狂於足脛痛腫不可忍 見脚

蒼朮復煎散按粹方治寒濕相合腦痛惡寒煩悶脊骨脚

眼痛膝膕痛脈沉洪

蒼朮 四兩水二碗煎至一碗去渣
入下項藥末再煎一沸溫服

羌活

升麻 方無澤瀉 柴胡 藁本

白朮 各半錢 黃柏 三錢 紅花 少許

右為末先煎蒼朮三分之一後下眾藥同煎切忌酒麵

加減當歸飲子 聖惠方 治肩忽痛

防風 當歸 柴胡 各一兩 芍藥 一兩

生地黄 半兩 黃芩 人參 各一兩 黃連 半兩

甘草 錢一兩 三滑石 六兩 大黃 一兩半

右吹咀每服五錢水二盞煎至一盞去渣食後通口服

人參益肺散 按粹方 治肩背痛汗出小便數而少者風熱

乘脾脾氣鬱脹也當瀉風熱則愈

痲風

柴胡

升麻

黃耆 各一錢 羌活

防風

人參

甘草

陳皮 各半兩

藁本 三分

青皮

黃芩

白豆蔻 各二

右咬咀都作一服水二盞煎至一盞去渣通口服如面

色白脫色氣短者不可服

舒經湯 澹寮方 治臂痛不能舉有人常善左臂痛或以為

飲或以為風為濕諸藥悉投繼以針艾俱不効得此方

而愈蓋是氣血凝滯經絡不行所致非風非飲非濕腰

以下食前服腰以上食後服一名通氣飲子

片子姜黃 四兩無則用嫩薑木代之

甘草 炙

羌活 各一兩

海桐皮 去外當歸

赤芍藥

白木 各二兩

右咬咀每服三錢水一盞半生薑二片磨沉香木少許

煎至一盞去渣通口服

治臂痛

姜黃 四兩

甘草 炙

羌活 一兩

白木 一兩

右咬咀水二盞煎隨意至一盞去滓溫服食後

痺

十四 新增

附諸賢論

袖珍方曰凡痺病目有五種皮痺脈痺肌痺骨痺筋痺是

痺風

云竹余卷之四

一

百二十七

也。多由體虛之人，腠理空疎，為風寒濕三氣侵入於皮。脈肌筋骨不能隨時驅散，留滯於內，久而為痺。其為病也，寒多則掣痛，風多則引注濕，多則重著爾。

附脈理

脈訣舉要曰：風寒濕氣合而為痺，浮瀆而緊，三脈乃備。附諸方

防風湯 宣明方 風寒濕三氣合為痺，風氣勝者行痺上下

左右無留隨所至，作防風湯主之。治行痺行走無定

防風

甘草

當歸

赤茯苓 去皮

杏仁 去皮炒 桂各二兩

黃芩

秦艽

葛根 各二錢 麻黃 附去

右為末，每服五錢，酒水各一盞，薑二枚，姜五片，煎至一

盞溫服

扶苓湯 宣明方 寒氣勝者為痛痺，大宜宣通陰寒為痛，宜

通氣溫經而愈。扶苓湯加減主之。治痛痺四肢疼痛

拘倦浮腫

赤茯苓 去皮 桑白皮 略二 防風

官桂

川芎

芍藥

麻黃 去節各兩半

右為末，每服五錢，水一盞，薑一枚，煎至八分，溫服，以薑粥投之，汗泄為度，效矣。

茯苓川芎湯宣明方濕氣勝者為著痺濕地水氣甚重著

而不去多汗而濡者茯苓川芎湯主之治著痺留注

不去四肢麻木拘攣浮腫

赤茯苓 桑白皮 防風 官桂

川芎 麻黃 芍藥 當歸

甘草各五分

右為末每服四錢半水二盞薑三枚同煎至一盞去滓

空心溫服如欲出汗以粥投之

升麻湯宣明方陽氣多陰氣少陽熱其法寒故痺藏府熱

踰然而悶也升麻湯主之治熱痺肌肉熱極腫上加

鼠走唇口反縱皮色變黃諸風皆治

升麻 三兩 茯苓 去皮 人參 防風

犀角 鈔 羚羊角 鈔 羌活 各一兩 官桂 半兩

右為末每服四錢水二盞生薑一塊碎竹瀝少許同煎

至一盞溫服

五痺湯和劑方治風寒濕之氣客留肌體手足緩弱麻頑

不仁

片子姜黃 一兩洗 羌活 白朮

防已 各二兩 甘草 微炙半

石咬咀每服四錢水一盞半姜七片煎八分去粗病在

上食後服病在下食前服

蠲痺湯濟生方治手足冷痺腰腿沉重及身體煩疼背項

拘急

當歸去芦酒洗

赤芍藥

黃芪去芦

防風去芦

片子姜黃

羌活各一兩

甘草炙半兩

右咬咀每服四錢水一盞半姜五片棗一枚煎八分去

粗濕服

防風湯濟生方治血痺皮膚不仁

川當歸去芦洗

赤茯苓去皮

川獨活各一兩

甘草炙半兩

防風二兩

赤芍藥

黃芩各一兩

杏仁去皮尖

秦艽去芦一兩桂心不見火半兩

右咬咀每服四錢水一盞姜五片煎七分去粗濕服不

拘疔

茯苓湯濟生方治停蓄支飲手足麻痺多睡眩暈

半夏湯洗七次

赤茯苓去皮

陳皮各一兩

枳實去穢炒

桔梗去芦

甘草炙各半兩

右咬咀每服四錢水一盞半姜七片煎七分溫服

羌活湯濟生方治白虎歷節風毒攻注骨節疼痛發作不

定

羌活去芦

附子炮皮臍

秦艽去芦

桂心

木香 不見火 川芎

當歸 去芦

牛膝 川者去

甘草 各半

桃仁 去皮尖

骨碎補

防風 去

右咬咀每服四錢水一盞半姜五片煎七分温服

虎骨散 濟生方 治白虎風肢節疼痛發則不可忍

虎骨 酥炙 二甘草 炙

全蝎 去毒 各一分

天麻 防風 去芦

川牛膝 去芦 白姜 去系

川當歸 去芦 乳香 另研

桂心 不見火 白花蛇 酒浸取

右為末每服二錢口麻酒調服

○廣按已上二方治白虎歷節風骨節疼痛即宣明所

謂痛痺也蓋風寒濕三氣客於經絡為心病不一或為

痛或為痺或為麻痺不仁或為手足緩弱所以然者

有新久輕重之分有濕痰死血之異濟生防風湯祇

苓湯所治已露訛倪也學者宜細心求之丹溪不言

痺病蓋已該於痛風腎著痿厥條內矣但丹溪所言

病之見証古人所言病之原因即中庸費隱之義也

續斷丸 本事方 治風濕流注四肢浮腫肌肉麻痺

當歸 炒 川續斷

單薺 各一兩 川芎 七錢半

乳香 半兩 天麻

防風 附子 各一兩

沒藥 半兩

右為末煉蜜丸如梧桐子大每服四十九温酒米飲任

下

○廣按用附子大黃之劑多有所嫌者殊不知寒濕充滿經絡四肢浮腫非附子性淨而不沉而能散之乎熟燥銷燂腸胃二便秘結非大黃性走而不守而能潤之乎故善用藥者天下無棄物善用兵者天下無棄人况大黃附子乃藥中之元首用其所當用何嫌之有哉

增損續斷丸 本事方治寒濕之氣痺滯關節麻木疼痛

人參

防風

鹿角膠

白朮炮各七兩

麥門冬

乾地黃

黃芪

續斷

薏苡仁

山芋

牡丹皮

桂心

山茱萸

白茯苓

石斛各二兩

右為末蜜丸如梧桐子大每服五十九丸溫酒空心下

三痺湯危氏方治血氣澁滯手足拘攣于風痺等疾皆療

川續斷

杜仲去皮炒防風

桂心

人參

白茯苓

當歸

白芍藥

甘草各一兩秦艽

生地黃

川芎

川獨活各半黃芪

川牛膝

細辛各二兩

右以咀每服五錢水二盞生姜三片棗一枚煎一盞去

滓熱服

五車

八法附錄卷之四

二日

孔三

黃耆酒 濟生方治風濕痒痛筋脈攣急或身體頑麻

當歸 雲母粉 茵芋葉 白朮

虎骨 單薛 木香 不見火 仙靈皮

川續斷 甘草炙 白芍藥 黃芪 去芦

防風 去芦 官桂 不見火 天麻 石斛 去根各

右咬咀用絹袋盛以好酒一斗浸之春五夏三秋七冬

十日每服一盞温暖服之常令酒氣相續為佳

防風天麻散 宣明方治風麻痺走注肢節疼痛 見中風

癘風 十五 附血風瘡 身上虚痒 癩疹

丹溪心法

○大風病是受得天地間殺物之風古人謂之癘風者以

其酷烈暴悍可畏耳人得之者須分在上在下夫在上者

以醉仙散取臭涎惡血於齒縫中出在下者以通天再造

散取惡物陳虫於穀道中出所出雖有上下道路之殊然

皆不外乎陽明一經治此病者須知此意看其疔瘡與瘡

若上先見者上體多者在上也若下先見者下體多者在

下也上下同得者在上復在下也陽明經貫與大腸也無

物不受此風之入人也氣受之則在上多血受之則在下

多氣血俱受者甚重自非醫者神手病者鐵心罕有免此

夫從上或從下以漸而來者皆是可治之病人見病勢之緩多忽之雖按此法施治病已全然脫體若不能絕味絕色皆不免再發再發則終不救矣其曾治五人矣中間惟一婦人得免以其貧甚且寡無物可喫也餘四人三兩年後皆再發孫真人云吾嘗治四五百人終無一人免於死非孫真人不能治也蓋無一人能守禁已忘耳此婦人本病外又是百餘貼加減四物湯半年之上方得月經行十分安愈

醉仙散

胡麻仁

牛夢子

蔓荊子

枸杞子

各半兩

瓜萎根

白茯苓

苦參各半兩

右為末每一兩半入輕粉二錢拌勻大人每用一錢空心日午臨卧各服茶湯調下喫後五七日間先於牙縫內出臭涎水渾身覺疼昏悶如醉利下臭屎為度量大小虛實加減與之証候重而急者須先以再造散下之候補養得還復與此藥喫須斷鹽醬醋諸般肉魚腥椒料水果煨燒炙燂及茄子等物只宜淡粥煮熟時菜并烏稍菜花蛇用淡酒煮熟食之以助藥力也

再造散

錦紋大黃

兩

皂角刺

兩半獨生

鬱金半兩生

白牽牛

頭末六錢
半生半炒

一本無鬱金牽牛二味

右為細末每服二錢

一云五錢

臨卧冷酒調服

二云日未
出而東服

以辱搗伺候泄出虫如虫黑色乃是多年赤色是為方
近三四日又進一服直候無虫則絕根矣後用通聖散
調理可用三稜針刺委中出血終身不得食牛馬驢驘
等肉大忌房事犯者必不效

黃精丸

蒼耳葉

紫背浮萍

大力子

絡等

烏蛇肉

黃精

倍前三味生搗汁
和四味研細焙乾

右為末神麩糊丸如梧子大每服五七十九溫酒下

一方加炒栢生茶甘草節

又方

蒼耳葉

浮遊

鼠粘子

烏蛇肉

等分

右用豆淋酒炒等分為末每服一二錢豆淋酒調下

治麻風脈大而虛者

苦參七錢半

蒼耳

牛旁子

酒蒸栢

各二兩

黃精

浮萍各一兩

右為末用烏蛇肉酒煮如無蛇以烏蠶魚亦可糊丸服

之候脈實再用通天再造散取虫

治麻風

四物湯加羌活防風陳皮甘草

又方

大黃

黃芩

雄黃三兩

右爲末用樟樹葉濃煎湯入藥煮洗

附論

廣按大風証者所因不一或因色慾當風或因醉臥濕地或乘熱脫衣或汗出入水或空心飢餓山行感山嵐瘴氣或勞役奔走途中冒寒雨陰露皆由內傷形體不知避忌外感風濕毒氣入於皮毛血脈肌肉筋骨之間當時罔覺夫於驅散停積既久以致榮衛

不行內外薰蒸內則生虫外則生瘡而臟腑經絡皆受患矣古人謂大風疾三因五死三因者一曰風毒二曰濕毒三曰傳染五死者一曰皮死麻木不仁二曰脉死血漬成膿三曰肉死割切不痛四曰筋死手足緩縱五曰骨死鼻梁崩塌與夫有落眼昏唇翻聲噎甚可畏也所以然者蓋由邪正交攻氣血沸騰而濕痰死血充滿於經絡之中故生虫生瘡痛痒麻木也治療大法內通臟腑外發經絡而虫瘡痛痒麻木自出矣亦須首尾斷酒戒色忌食發風動氣重腥蓋醬炙煨生冷之物清心寡慾方保無虞也今將所用

藥方次序開具于後

附諸方

消風散 第一日服

香白芷

全蝎

人參各一兩

右為細末每服三錢先一日午間宜喫粥忌生薑胡椒
葱蒜一切熱性之物晚間不可飲食次日空心溫酒調
下覺身漸潰燥為妙

追風散 第二日服瀉血追虫

大黃

錦紋者 鬱金 小者一錢 皂角刺半兩

右為末初服六錢或七錢大楓油一錢半淨朴硝少許

入內好酒一碗調化五更空心溫服直待辰時又如前
調藥一碗入熟蜜少許勿令患人知先以水與患人盥
漱淨然後服藥必以蜜辭口忌人與患者同坐臥良久
腹中疼為妙候瀉十數次以薄粥補之凡老弱者難治
五十歲以下者可治精壯者十日三服謂初一日服消
風散初二日服追風散初三日服磨風丸在換弱者十日
內一服稍痊如壯健者十日內三服每月後二十日一
服須要記其日數

磨風丸 第三日服日進二次

川當歸

羌活

獨活

川芎

天麻

細辛

防風

荆芥

葳靈仙

麻黃

何首烏

石京子

牛旁子

車前子

皺面草

即地蒼耳草

右皆不見火晒乾為細末酒煮麵糊為丸如梧桐子大

每服三十丸食前溫酒下服後煎藥薰洗

洗藥

地骨皮

荆芥

苦參

細辛各等分

右剉片每用二兩以水煎薰洗遍身血出為効如洗務

要湯寬浸洗良久方佳

敷藥 第四日治瘡大爛遍身塗之

黑狗脊

二兩如無以杜仲代之

蛇床子

一兩 寒水石

硫黃

白礬

各二兩 木硝

右為細末用臘猪油或香油調敷不爛不必敷

一方

蜜陀僧

白附子

蒼耳子

細辛

香白正各等分

右為細末用生姜汁調搽患處

一方

蛇床子根燒灰存性

雄黃

硫黃

白礬

草烏各等分

右為細末用香油或蜜水調敷患處

○已上諸方治大風次第之劑

加減大造苦參丸 治大風瘡及諸風赤白癩風

苦參一斤 防風 荆芥 蒼耳子

胡麻子半生 皂角刺各十兩 蔓荊子 牛蒡子

黃荊子 枸杞子 何首烏 禹餘糧

蛇床子各三兩 香白芷一兩

右為細末用皂角搗爛熬膏入前藥勻為丸丸如梧桐子大每服五十九茶酒任下

方 治大風肌頑麻木皮膚瘙癢遍身疥癩癩疹面上

遊風或如虫行紫白癩風或賊風攻注腿脚生瘡者

川烏 白芷 苦參 胡麻炒

荊芥 防風各三兩 當歸 川芎

獨活 羌活 白蒺藜 赤芍藥

白附子 山梔子各一兩 蔓荊子一兩 何首烏

大楓子去殼 葳靈仙各二兩 地龍二兩

右為細末先取烏蛇一條用好酒浸煮熟去骨取肉晒乾或焙同為末酒糊丸如梧桐子大每服四十九茶湯

方下

威靈仙

何首烏

地松

即破皮

防風

蔓荊子

荊芥

車前子

細辛

牛蒡子酒浸 猪牙皂角

當歸

蒼耳草

天麻

甘草

羌活

獨活

麻黃

澤蘭

川芎

苦參各等分

右為末酒糊丸如梧桐子大每服四十九茶酒任下

一方

用蒼耳草於五月五日或六月六日五更時帶露採搗絞取汁熬成膏作錠子取一斤半重鯉魚一箇剖開不去肚腸入藥一錠在內以線絳之用酒二碗慢火煮乾

為度令患人喫盡豈魚不過四三箇即愈忌鹽百日

一方

用白花蛇一條先蒸糯米二斗缸底先用酒麩次將蛇以絹袋盛之頓於麩上然後以糯米飯和勻頓於蛇上用紙封缸口候三七日開取酒將蛇去皮骨焙乾為末每服溫酒一盞調蛇末少許服之仍以酒脚并糟做餅食之

一方

用蒼耳為末以大楓子油丸如梧桐子大每三四十九荊芥湯送下茶湯亦可

一方 治大風眼昏不辨人物眉髮自落鼻梁崩塌肌膚生瘡如癬

用皂角刺一二斤蒸晒為末食後煎大黃湯調服一錢服一旬後眉髮再生肌膚光潤眼目復明

一方 治大風瘡令眉髮再生

用栢葉九蒸九曝為末煉蜜為丸如梧桐子大日三服夜一服白湯下每服五六十丸百日後生眉髮

一方 治大風後生眉毛

皂角筴 焙乾

鹿角 燒存性 各等分

右為細末生姜汁調塗眉上一日二次則生

一方 治大風眉毛脫落肌膚拆裂

用防風通聖散加苦參天麻蟬蛻早晚各一服至百貼必愈忌房事鹽醬蠶腥生冷油膩之物

一方 治大風後斷根

於脚大拇指筋骨縫間約半寸灸三壯以出毒氣

四物湯 見補損類

通聖散 見斑疹類

防風通聖散 見中風類

○血風瘡 新增

附諸方

馬齒莧膏 治兩足血風瘡并兩肩背風濕瘡疼痒至骨

馬齒莧 切碎焙乾 五錢

黃丹飛 黃栢

枯白礬 孩兒茶各三錢 輕粉一錢

右為細末和勻後入輕粉用生桐油調攤於厚桐油紙

上用葱椒湯洗淨患處貼之

一方 治血風瘡

川椒 貝母 白芷 蛇床子炒

黃丹飛 枯白礬 黃連各三錢 輕粉五錢

右為細末生桐油調攤厚油紙上貼瘡紮定七日方開

忌胡椒生姜葱蒜一切熱毒物

當歸拈痛湯 治兩足血風瘡痛痒等証 見脚氣類

○癰癧 新增

附諸方

胡麻散 和濟方 治脾肺風毒攻衝遍身皮膚瘙痒或生瘡

疥或生癰癧用手搔時浸淫成瘡久而不差愈而復作

面上遊風或如虫行紫白癩頑麻或腎臟風按注脚脉

生瘡宜服

胡麻 一兩二錢 荆芥穗 苦參各八錢 何首烏 炮焙

甘草 炙 威靈仙 各一錢

右為末每服二錢薄荷茶或酒或蜜湯調服服藥後類

類浴自得汗出立効

蒼耳丸 治諸風及諸風瘡癩疹白紫癩風

五月五日割取蒼耳草葉洗淨晒乾為末煉蜜丸如梧
桐子大每服十九日三服若身體有風處或如麻豆粒
此為風毒出也可以針刺黃汁出盡乃愈

靈草丹 治一切風疾及癩疹紫白癩風痛痒頑麻

採紫背浮萍草攤於竹篩內下看水晒乾為細末煉蜜
丸如彈子大每服一丸用黑豆淋酒化下及治脚氣打
撲傷損渾身麻痺

一方

用乾浮萍四兩漢防己五錢濃煎熱湯洗白癩風一切

斑疹疥癬神効

丹溪心法

○身上虛痒血不榮於腠理所以痒也

右用四物湯加黃芩煎調浮萍末服之 見補損類

又方

凌霄花一錢酒調下

附諸方

漂洗藥 御製方 治一切風疾燥痒淋洗

威靈仙 去土 零陵香 茅香 各一斤 乾荷葉

黃風

心去符除毒之日

三十五

丙 二頁十端

藁本去土 藿香葉 香白芷 甘松各半斤

右咬咀每用四兩生絹袋盛用水三桶熬數沸故稍熟於無風房內沐浴避風勿令風吹光膩皮膚去癢痒

丹溪心法附餘卷之五

二十一日

休寧東山古庵方廣約之類集

寒門

咳嗽

十六 附肺痿 肺癰

丹溪心法

○咳嗽有風寒 痰飲 火鬱 勞嗽 肺脹 春作是

春升之氣用清涼藥二陳加薄荊之類 夏是火氣炎上

最重用芩連 秋是濕熱傷肺 冬是風寒外來以藥發

咳嗽

丹溪心法附餘卷之五

一

丹溪心法

散之後用半夏逐痰必不再來 風寒行痰開腠理用二

陳湯加麻黃桔梗杏仁 逐痰飲降痰隨証加藥

火主清金化痰降火 勞嗽四物湯加竹瀝姜汁補陰為

主 乾咳嗽難治此係火鬱之証乃痰鬱其火邪在中用

苦梗開之下用補陰降火之劑四物加炒栝竹瀝之類不

已則成勞此不得志者有之剉倉法好 肺虛嗽甚此好

色腎虛者有之用參膏以陳皮生姜佐之大槩有痰加痰

藥 上半日多嗽者此屬胃中有火用貝母石膏降胃火

者屬陰虛必用四物湯加炒栝知母降火

黃昏嗽者是火氣浮於肺不宜用涼藥宜五味子五倍子

斂而降之 五更嗽多者此屬胃中有食積至此時火氣

流入肺以知母地骨皮降肺火 肺脹而嗽或左或右不

得眠此痰夾瘀血礙氣而病宜養血以流動乎氣降火疎

肝以清痰四物湯加桃仁訶子青皮竹瀝姜汁之類 嗽

而腸下痛宜疎肝氣以青皮枳殼痰藥實者白芥子之類在

後以二陳湯加南星香附子青黛青皮姜汁 血碍氣作

嗽者桃仁去皮尖大黃酒炒姜汁丸服 治嗽多用生姜

以其辛散故也 痰因火動逆上作嗽者先治火次治痰

以知母止嗽清肺滋陰降火夜嗽用降陰分火 治嗽多

用粟殼不必疑但要先去病根止乃收後藥也治痢亦同

勞嗽即火鬱嗽用訶子能治肺氣因火傷極遂成鬱渴脹
滿不得眠一邊取其味酸苦有收斂降火之功佐以海石
童便浸附瓜蒌青黛杏仁半夏曲之類姜蜜調嚙化必以
補陰為主 治嗽灸天突穴肺腧穴大瀉肺氣肺腧穴在
三椎骨下兩膀各一寸五分

○師云陰分嗽者多屬陰虛治之 有嗽而肺脹壅遏不
得眠者難治 肺痿專主養肺氣養血清金 嗽而肺氣
有餘者宜瀉之桑白皮為主半夏茯苓佐之瀉其有餘補
其不足 肺燥者當潤之屬熱者桔梗大力知母雞清
聲啞者屬寒宜細辛半夏生姜辛以散之肺虛者人參膏

阿膠為主陰不足者六味地黃丸為要藥或知母茯苓湯
為妙 陰虛氣喘四物湯加陳皮甘草些小以降其氣補
其陰白芍藥須用酒浸晒乾 濕痰帶風喘嗽者不可一

藥苦寒折之如千緡湯降痰丸更以皂角蘿蔔子杏仁百
藥煎姜汁丸嚙化 濕痰帶風以千緡湯降痰丸固捷

痰積嗽非青黛瓜蒌不除有食積人面青白黃色不常面
上有如蟹瓜路一黃一白者是 欬逆嗽非蛤粉青黛

貝母不除 口燥咽乾有痰者不用半夏南星用瓜蒌
貝母飲水者不用瓜蒌恐泥腸不鬆快 知母止咳清肺

滋陰降火 杏仁瀉肺氣氣虛者一二服即止 治

酒嗽青黛瓜蒌蜜丸噙救肺 食積痰作嗽發熱者半夏
南星為君瓜蒌羅蔔子為臣青黛石減為使

戴云風寒者鼻塞聲重惡寒者是也火者有聲痰少面
赤者是也勞者盜汗出熱痰者多作寒熱肺脹者動則
喘滿氣急急重痰者救動便有痰聲痰出嗽止五者大
槩耳亦當明其是否也

入方

杏仁 去皮尖

羅蔔子 各半兩

右為末粥丸服

清化丸 治肺鬱痰喘嗽睡不安寧

貝母 一兩

杏仁 五錢

青黛 三錢

右為末沙糖入姜汁泡蒸餅丸如彈子大噙化

治久嗽風入肺

鵝管石 一錢

雄黃 一錢

鬱金 一錢

欬花 三錢

右為末和艾中以生姜一片安舌上灸之以烟入喉中

為度

治飲酒傷肺痰嗽以竹瀝煎紫蘇入韭汁就吞瓜蒌杏連

丸

治欬嗽劫藥

五味子 五錢 甘草 二錢 半 五倍子

風化硝 各一

咳欬

治法附錄

日

月 五三

右為末蜜丸噙化又云

治欬嗽聲嘶者此血虛

青黛中

蛤粉上

右為末蜜調噙化

治嗽喘去濕痰

白朮

半夏

蒼朮

香附各二兩

貝母

杏仁

云皮尖黃芩各半兩

右為末姜汁打糊

治婦人形瘦有特夜寐痰嗽月經不調

青黛下

瓜蒌仁中

香附童便浸上

右為末姜蜜調噙化豆大一丸

治一人風熱痰欬

南星

海粉各二兩半夏一兩

青黛

黃連

瓜蒌子

石減

蘿蔔子各半

防風

皂角灰各三錢

右為末神麩糊丸服姜湯下

治勞嗽吐紅

人參中

白朮上

茯苓上

百合上

紅花下

細辛下

五味子中

官桂下

阿膠上

黃芪中

半夏製中

杏仁去皮尖

咳次

心法附錄卷之五

五

二兩

甘草下

白芍中

天門冬上

右剉水煎 若熱去桂枝用桑白皮麻黃不去茹杏仁 不去皮同煎

又方 治嗽血

紅花中

杏仁去皮尖

枇杷葉去毛紫苑茸上

鹿茸炙中

木通中

桑白皮上

又云加大黃

右為末煉蜜丸噙化一錢作一丸

嗽烟筒 治痰嗽久遠者

佛耳草

款花二錢

鵝管石

雄黃半錢

右為末鋪艾上捲起燒烟吸入口內細茶湯送下

定嗽劫藥

訶子中

百藥煎上

荆芥穗中

右為末姜蜜丸噙化一錢作一丸

又方 治心煩嗽等証

六一散加辰砂服溫水調下

青金丸 治食積火鬱嗽劫藥

貝母

知母各半兩

巴豆去油膜

右為末姜泥丸辰砂為衣食後服每五丸白湯下一云

青黛為衣

青金丸一名與點丸與清化丸同用瀉肺火降膈上執痰

咳

去付余卷之五

六

百

四九

片子黃芩炒

右為末糊丸或蒸餅充梧桐子大服五十九丸滾白水下

青化丸 與青金丸同用專治熱嗽及咽痛故苦能燥熱

濕輕能治上

燈籠草炒

右為末蒸餅丸 又細末醋調敷咽喉間痛處

又方 治痰嗽

礞石半兩 風化硝半錢 半夏二兩 白朮一兩

茯苓 陳皮各半錢 黃芩半兩 炒

右為末粥丸

又方 治欬嗽氣實無虛熱者可服汗多者亦用之

粟殼四兩 烏梅一兩 人參半兩 去蒂蜜炒

欬花半兩 桔梗半兩 兜鈴一兩 南星姜製

右為末蜜丸彈子大含化

蒼沙丸 調中散齏

蒼朮 香附子各四兩 黃芩二兩

右為末蒸餅丸梧桐子大每服五十九丸食後姜湯下

人參清肺散 治痰嗽咽乾聲不出

人參半錢 陳皮半錢 半夏一錢 桔梗一錢

麥門冬半錢 五味子十箇 茯苓一錢 甘草半錢

桑白皮一錢 知母一錢 地骨皮半錢 枳殼一錢

貝母一錢半 杏仁一錢 欬花七分 黃連一錢

右水煎生姜三片如法煎服

四物湯

見補損

六味地黃丸

見補損

知母茯苓湯

見肺痿

下緝湯

墜痰丸

二陳湯

俱見痰類

附脈理

脈訣舉要曰欬嗽所因浮風緊寒數熱細濕房勞瀆難
關濡者飲食傷脾左關弦短波極肝衰浮短肺傷法
欬嗽五臟之嗽各視本部浮緊虛寒沉數實熱洪滑
痰弦濡少血形盛脈細不足以息沉少伏匿皆是死脈
惟有浮大而嗽者生外證內脈參考稱停

附諸方

葦蕈散和劑方治肺感寒邪咳嗽聲重胸膈煩悶頭目昏

眩

紫蘇子炒 赤茯苓 去皮 陳皮 去白 桑白皮

杏仁炒 云皮尖 麻黃 去根節 甘草炙半兩

咳散

心法附錄卷之五

百三十三

右為末每服二錢水一盞煎七分食後溫服

敗毒散 治傷寒發熱咳嗽頭疼

參蘇飲 治上膈有熱咳嗽聲重

金沸草散 治感冒寒邪鼻塞聲重咳嗽不已 並見傷寒

小青龍湯 和劑方 治感寒咳嗽喘息不得睡卧及治傷寒

表證不解心下有水氣乾嘔發熱咳嗽氣喘 見溫熱

五拗湯 澹寮方 治風寒咳嗽肺氣喘急

麻黃 不去節 杏仁 不去皮 甘草 生用 荆芥穗

桔梗 各一錢

右以咀生姜三片同煎溫服咽痛甚者煎熟後加朴硝

少許 一方去桔梗荆芥用半夏枳實等分

加味理中湯 仁齋直指 治脾胃俱寒咳嗽不已

甘草 炙 半夏 湯泡 茯苓 去皮 乾姜 不炒

白朮 橘紅 細辛 北五味

人參 各等分

右以咀每服三錢姜棗煎食前服

易簡杏子湯 按粹方 治咳嗽不問外感風寒內傷生冷痰

飲停積悉治

人參 大芦 半夏 湯泡 茯苓 去皮 甘草 炙

芍藥 五味子 乾 細辛 乾姜

官桂 各五錢

右吹咀每服四錢水一盞半用杏仁去皮尖五枚姜五片烏梅一箇煎至七分去滓服 若新感冒加麻黃分 治傷寒咳嗽身熱有汗惡風脉浮數有熱服杏子湯不得者

紫蘇葉

杏仁去皮各一兩

甘草炙半兩

白朮

橘紅

半夏湯七次

桑白皮炒

貝母去心

五味子各一兩

右吹咀每服四錢水一盞姜五片煎七分溫服不拘時

紫蘇飲子投粹方 治脾肺虛寒痰涎咳嗽

紫蘇葉

桑白皮

青皮去白

五味子

杏仁

麻黃

甘草

陳皮各五錢

人參

半夏湯泡各二錢

右吹咀每服一兩生姜三片水二盞煎八分食後溫服

人參荆芥散濟生方 治肺感風邪上壅咳嗽頭目不清言

語不出咽乾項強鼻流清涕

陳皮去白

荆芥穗

桔梗

半夏湯泡

細辛洗去土

甘草炙

人參

杏仁去皮

通草

麻黃去根節

右吹咀每服四錢水一盞半姜五片煎八分食後溫服

咳散

去付餘卷之五

十

百六

人參潤肺湯 聖惠方 治肺氣不足喘咳嗽不已并傷寒壯熱頭疼身痛

人參

乾葛

桔梗

白芷

麻黃

去節各五錢

乾姜

白朮

甘草

炙各一兩

右以酒每服八錢水一盞半生姜三片葱白二莖煎至

八分溫服

橘皮湯 聖惠方 療春夏傷寒秋夏冷濕咳嗽喉中有聲上

氣頭痛

陳皮

紫苑

麻黃

杏仁

當歸

官桂

甘草

黃芩 各等分

右以咀每服一兩水二盞煎八分去滓溫服食後

蠟煎散 御藥院方 順肺氣利咽膈止咳嗽化痰涎

欵冬花

茶花

甘草

炙各七錢半 五味子 半兩

桑白皮

桔梗

杏仁

紫蘇葉 各一兩

右以咀每服四錢水二盞入黃蠟少許同煎臨臥服

柯子散 咳嗽聲音不出

柯子 三錢去核

甘草 二錢半 桔梗 五錢半

木通 三錢

右每服水一盞半煎至八分入生地黃汁一小盞攪勻

臨臥徐徐嚥

四聖散聖惠方治咳嗽有失聲音

晉益 葛根 槐花子 山梔子 等分

右吹吐水二盞加烏梅甘草少許煎一盞入蜜少許食

後通口服

八味欬冬花散御藥院方治肺經寒熱不調涎嗽不已

欬冬花洗焙紫苑茸 五味子 甘草 各七錢半

桑白皮炒 麻黃去節 杏仁湯泡去 紫蘇葉 各一

右為粗末每服五錢水盞半入黃蠟皂角子大煎至一

盞熱服

○已上數方治感冒風寒新咳嗽之劑

三拗湯 治感冒風邪鼻塞聲重語音不出咳嗽喘急

方見喘類

杏參散 治胸脇脹滿上氣喘急咳嗽不得睡卧

杏仁去波炒 人參 桑白皮 蜜炙 各等分

杏仁去皮炒

右吹咀每服四錢水一盞姜棗煎不拘時服

蘇沉九寶湯簡易方治老幼素有喘急遇寒暄不常發則

連綿不已咳嗽哮喘夜不得睡

桑白皮 甘草 大腹皮 官桂

麻黃 薄荷 陳皮 紫蘇

杏仁各六分

右咳嗽每服二錢水盪半姜三片烏梅半箇煎六分服

平肺散簡易方治肺氣上壅喘嗽痰實寒熱往來咽乾口

燥

陳皮一兩

半夏洗七次苦梗炒

薄荷各七錢

紫蘇

烏梅去核

紫苑

知母

桑白皮蜜炒杏仁炒

五味子各錢甘草半兩

罌粟殼蜜炒七

右咳嗽每服五錢水一盞姜三片煎六分食後溫服

瀉白散濟生方治肺臟氣實心胸壅悶咳嗽煩喘大便不

利

桔梗去淨炒地骨皮去赤甘草炙

瓜蒌子

升麻

半夏湯泡七杏仁去皮尖

桑白皮各

右咳嗽每服四錢水盪半姜五片煎八分食後溫服

加減瀉白散按粹方治陰氣在下陽氣在上咳嗽嘔吐喘

促

桑白皮一兩地骨皮七錢甘草

陳皮去白

青皮

五味子

人參各五

白茯苓三錢

右咳嗽每服一兩水二盞加粳米煎至一盞食後溫服

青龍散御藥院方治咳嗽上氣不得卧

人參去芦

陳皮去白

五味子

紫蘇各一兩

右吹咀每服一兩水二盞生薑三片煎至八分去滓食

後溫服

加減三奇湯按粹方治咳嗽上氣痰涎喘促胸膈不利

桔梗五錢

去芦

半夏洗七錢

陳皮去白

甘草

青皮去白

各半兩

杏仁三錢

各五錢

五味子四錢

人參

桑白皮

蘇葉各五錢

右吹咀每服八錢姜三片水二盞煎至八分去滓通口

服食後

人參潤肺散

直指方治軟喘急痰壅鼻塞

麻黃二兩

去根節

杏仁一兩

去尖

桔梗半兩

人參去芦

二兩

阿膠炒半兩

甘草炙一兩

橘紅二錢

半

貝母去心

炒半兩

右吹咀每服八錢水二盞煎至八分去渣溫

服食後

杏仁煎丸

瑞竹堂方治老人久患肺喘咳嗽不已睡卧不

安服之立効

杏仁去皮尖

胡桃肉

湯泡去皮衣

右各等分研為膏入煉蜜少許和搜得宜丸如彈子大

每服一二丸食後臨卧細嚼姜湯送下

紫蘇半夏湯按粹方治喘嗽痰涎寒熱往來

咳散

卷之五

十四

三百五十五

桑白皮二兩 陳皮去白 五味子各五錢 紫苑草五錢

杏仁去皮尖 半夏湯泡七次 紫蘇各五錢

右為粗末每服五錢生姜三片煎日進三服

清金湯聖惠方 治男婦遠年近日咳嗽上氣喘急喉中延

聲胸膈滿氣逆坐臥不安飲食不下

粟殼炒半 甘草炙五錢 陳皮去白 茯苓去皮

杏仁去皮尖 阿膠炒 五味子 桑白皮炒

薏苡仁 紫蘇 貝母去心 半夏麩

加百合 欬冬花各一兩 人參五錢

右吹咀每服八錢水一盞半生姜三片烏梅一箇煎至

八分食後服

潤肺膏 治咳嗽痰喘

紫苑 杏仁去皮尖 欬冬花各一兩 麻黃

桔梗 細辛 柯子各五錢 枯礬一錢

生姜二兩取清油半斤 蜜一斤 核桃肉一兩

石先將油煉香熟次入蜜又煉去沫却下末藥攪勻每

服二三匙臨卧白湯調服

奪命丹 上氣喘急經歲咳嗽齆齆久不愈者

信石一錢 白礬二錢 白附子三錢 南星四錢

半夏五錢洗

右先用信石與白礬一處於石器內火煨紅出火黃色
為度切不可犯鐵器却和半夏南星白附子為細末生
姜汁麵糊為丸如黍米大硃砂為衣每服七丸小兒三
丸井花水吞下忌食諸惡毒熱物

○廣按此方治咳嗽痰喘劫劑也蓋肺受火邪氣從火
化有升無降加以脾濕生痰則上壅而為喘嗽滿悶
不得安卧矣病作之時因宜用此藥以劫痰然病安
之後即當用知母茯苓湯或人參五味子散寧肺湯
以補虛可也

一方 治咳嗽痰喘

南星炮

半夏湯泡各

甘草

三錢

炙

陳皮

去白

杏仁

五錢去
皮尖

款冬花

二錢

五味子

三錢

人參

二錢

每服水一鍾半生姜五片煎臨卧温服忌生冷油膩

○廣按此方治咳嗽痰喘攻補兼施也

烟筒喘救方

款冬花

佛耳草

凝水石

天參

白芷

金精石

銀精石

等分甘草少用

右為末不以多少用香爐燒烟蘆筒吸入肺管用米飲

○巴上數方治咳嗽喘急肺脹之劑

半夏丸 濟生方 治肺臟鬱熱痰嗽胸膈塞滿

瓜蒌子 去穢 半夏湯泡七次焙取末各一兩

右二件和勻姜汁打麩糊丸梧桐子大每服五十丸食後姜湯下

玉液丸 和濟方 治風塵化痰涎利咽膈清頭目除咳嗽止

煩熱

寒水石燒令赤出火毒 半夏洗焙為末十兩 白礬研細

右合研麩糊丸如梧子大每服三十丸食後淡姜湯下

玉芝丸 和濟方 治風塵痰實頭目昏眩咳嗽聲重咽候不

利

人參去芦 乾薄荷 白茯苓去皮 白礬枯

天南星米泔浸焙各三兩 半夏湯洗七次姜汁和作麩六十兩

右為末生姜汁煮麩糊丸如梧桐子每服三十丸食後

姜湯下如痰盛燥熱薄荷湯下

祛痰丸 瑞竹堂方 治風痰喘嗽

人參去芦 木香 天麻各一兩 槐角子七錢

陳皮去白 茯苓去皮 青皮去穢 白朮煨各一兩

半夏七錢 牙皂角去皮弦酥炙九錢

右為細末生姜自然汁打糊為丸如梧桐子大每服五

七十丸食後臨卧温酒送下姜湯亦可

利膈丸 按粹方 治風痰實喘滿咳嗽風氣上攻

牽牛生用四兩 半夏湯洗 木香半兩 青皮去白

槐角炒一兩 皂角去皮 加檳榔

大黃各五錢

右為細末 生姜麵糊為丸 如梧桐子大 每服五十丸 生

姜湯下

星香丸 治諸氣嗽生痰

南星 半夏各三兩 用白礬一兩 研同 水浸二味 一宿

陳皮五兩 薑去白 取三兩 香附子三兩 阜角水 浸一周 時晒

右四味不見火為末 姜汁糊丸 梧桐子大 每服五十丸

湯下

此方傳秘方累驗

星辛丸 治諸般咳嗽

南星姜制 半夏麩 凝水石 枯礬

姜蚕炒 乾生姜各一兩

右為末 生姜汁糊丸 如梧子 每服五十丸 姜湯下 食後

瓜蒌半夏丸 治咳嗽喘滿

瓜蒌 杏仁去皮 枯礬各一兩 半夏湯洗

欵冬花半兩 麻黃去根節

右為末 用瓜蒌汁 生姜自然汁 用水糊為丸 如梧桐子

瓜蒌汁 生姜自然汁 用水糊為丸 如梧桐子

大每服三十丸食後臨卧淡茶湯下忌生冷鹹酸

玉壺丸 治風痰吐逆咳嗽

南星生用 半夏生用各 天麻生用各 白麵三兩

右為細末同白麵和均滴水丸如梧桐子大晒乾每服

三十丸以水一大鍾先煎令沸下之煮五七沸候藥浮

起即瀝出眼乾用姜湯下

透羅丹 治痰實咳嗽胸膈不利

皂角去皮弦 黑牽牛炒 半夏各一兩 大黃濕紙包煨

巴豆一錢去油另研 杏仁去尖尖炒

右為細末生姜自然汁丸如梧桐子大每服三十丸姜

湯下咳嗽甚者三四服立效

一方 取痰

藜蘆 人參用片各二錢 牙皂角去皮弦炮一錢

防風去皮 細辛去土各一錢半

右用酸漿水一碗食後溫服候吐痰覺胸中痰盡用冷

葱湯時呷飲止為度

人參散 直指方 治咳嗽痰壅通用

人參去芦 桔梗 半夏麩 五味子

細辛去葉 枳殼製 赤茯苓去皮杏仁各一分

甘草炙半分

右吹咀每服一兩生姜五片烏梅半箇水二盞煎至八分服食後一方無杏仁烏梅不用痰嗽加紫苑添甘草人參飲 治痰嗽

半夏湯泡七次

南星

寒水石

柴胡去芦

五味子

猪牙皂角

甘草

款冬花

熱加黃芩各等分

右吹咀每服八錢生姜五片水一盞半煎至八分臨卧通口服

人參飲子

百一選方治痰嗽寒熱壅盛

人參去芦

桔梗

半夏

五味子

赤茯苓

白朮各兩

枳殼

甘草酸各半

右吹咀每服三錢水一盞煎五分空心服治寒壅者加杏仁不去皮紫蘇各半兩

辰砂半夏丸 治一切痰飲咳嗽

用大半夏一斤湯泡七次晒乾為末用生絹袋盛貯於

磁盆內用淨水洗出去麤渣將洗出半夏末就於盆內

日晒夜露每日換新水七日七夜澄去水將半夏粉晒

乾每半夏粉一兩入飛過細硃砂末一錢用生姜汁糊

為丸如梧桐子大每七十九丸用淡生姜湯下食後服

黃芩半夏丸 治上焦有熱咳嗽生痰

黃芩末一錢 製過半夏粉一兩

右二味和勻用生姜汁為丸如梧桐子大每服七十九
用淡生姜湯送下食後服

天竺黃餅子 治一切痰嗽上焦有熱心神不寧其效甚
驗

牛膽南星 三錢 薄荷葉 二錢 天竺黃 二錢 硃砂 二錢

片腦 三分 茯苓 一錢 甘草 一錢 天花粉 一錢

右為末煉蜜入生地黃汁和藥作餅子每用一餅嚙化
下食後服

白朮湯 濟生方治五臟受濕咳嗽痰多氣喘身體重著脉

來濡細

白朮 二兩 五味子 半夏 湯泡七 白茯苓 去皮

橘紅 各二兩 甘草 炙半兩

右咬咀每服四錢水一盞薑五片煎八分溫服不拘時

○已上數方治痰飲咳嗽之劑

欬文花散 和劑方治肺感寒邪咳嗽喘滿胸膈煩悶痰涎
壅盛喉中哮喘鼻塞流涕咽喉腫痛

杏仁 阿膠 炒 麻黃 去根節 湯洗美

欬文花 各一兩 桑葉 知母 甘草 炙

貝母 各二兩

一右吹咀每服二錢水一盞姜三片煎食前溫服

洗肺散 治咳嗽痰盛肺氣不利

黃芩二錢 半夏三錢 天門冬去心 麥門冬去心

五味子各一兩半 甘草半錢 杏仁去皮尖

右吹咀作一服水二鍾生姜五片煎至七分食後服滓

再煎服

百花膏 濟生方 治喘咳嗽不已或痰中有血

款冬花 百合蒸焙各等分

右為細末煉蜜為丸龍眼大每服一丸食後細嚼姜湯

下嚙化尤佳

貝母散 御藥院方 治咳久嗽多日不愈

貝母法心五錢 桑白皮五錢 五味子五錢 甘草半兩炙

知母五分 款冬花二兩 杏仁三兩去皮

右吹咀每服一兩水一盞半生姜三片煎至八分去滓

溫服食後

人參散 聖惠方 治諸咳嗽喘急不出言語年久五服日近

三服効

人參 知母 貝母 半夏

杏仁 馬兜鈴去皮 麻黃不去節 天仙藤二兩

右吹咀每服八錢水二盞烏梅一箇蜜一匙煎至八分

去滓溫服食後臨臥服已酒醋雜類鹹酸生冷

○廣按古方治火鬱乾咳嗽者甚少治風寒濕咳嗽者甚多蓋由不分內外所因新久之異故也夫形寒飲冷新咳嗽有痰固當以溫寒散濕為主如人參半夏之類可也若夫氣動火炎久咳嗽無痰又當以清熱潤燥為先然人參半夏之類又在所禁如天門麥門知母貝母石膏瓜蒌之類可也世人徒知肺主皮毛外感風寒為寒殊不知傳裏鬱久變為熱也况肺為華蓋而五臟六腑火自內起薰蒸焚灼作咳嗽者亦良多矣已上諸方類合亦須加減可也

○已上數方治火鬱咳嗽之劑

鍾乳補肺湯和濟方治肺氣不足久年咳嗽以致皮毛焦枯唾血腥臭喘乏不已

鍾乳碎如米 桑白皮各三兩 肉桂去皮 白石英如米

五味子揀 款冬花去梗 紫苑洗去土 人參去芦二兩

麥門冬去心三兩

右除鍾乳白石英外同為粗末後入鍾乳等同拌勻每服四錢水一盞半姜五片棗一枚粳米三十粒煎七分用綿濾去滓食後服

人參潤肺丸和劑方治肺氣不足咳嗽喘急久年不愈新

咳嗽

治法付餘

三三

三三

成虛勞及療風壅痰實頭目昏眩口舌乾燥涕唾稠粘

人參 欵冬花去梗細辛去葉 甘草炙各四兩

官桂去皮 桔梗各五兩 杏仁去皮炒 知母六兩

右為末煉蜜丸如雞頭子大每服一丸食後細嚼淡姜

湯下

人參養肺丸和劑方治肺胃俱傷氣奔於上客熱薰肺咳

嗽喘急胸中煩悸涕唾稠粘或有勞傷肺胃吐血嘔血

並皆治之

人參 黃芩去蘆蜜炙各 瓜蒌根

白茯苓去皮各 杏仁去皮炒

皂角子三百 神曲馬糞生

右為末煉蜜丸如彈子大每服一丸食後細嚼用紫蘇

湯下如喘急用桑白皮湯下

團參飲子濟生方治憂思喜怒怒飢飽失宜致傷脾肺咳嗽

膿血增寒壯熱漸成勞瘵者

人參 紫苑茸洗 阿膠蛤粉炒 百合蒸

細辛洗去葉 欵冬花 杏仁炒去皮 天門冬湯泡

半夏湯泡 經霜桑葉 五味子略 甘草炙半兩

右以咀每服四錢水盪半姜五片煎七分食後溫服

氣嗽加木香唾血而熱加生地黃 唾血而寒加鍾乳

咳散 三府餘卷之五 三十四

粉 痰極咳嗽加黃芪 損肺唾血加沒藥藕節 嘔
吐肢滿不食加白朮 咳而小便多者加益智仁 咳
而面浮氣逆加沉香橘皮煎 大便澹者去杏仁加鍾
乳粉

紫苑茸湯 濟生方 治飲食過度或食煎煇邪熱傷肺咳嗽
咽痒痰多唾血喘急脇空用不得安卧

紫苑茸 洗

經霜桑葉 采

款冬花

百合蒸焙

杏仁 去皮尖阿膠蛤粉炒貝母 去心

蒲黃炒

半夏湯洗各犀角錢

甘草炙

入參各半兩

右咳嗽每服四錢水煎 聖姜五片煎八分食後溫服

人參保肺湯 治五勞七傷喘氣不接涎痰稠粘骨蒸潮

熱見發熱類

補肺湯 按粹方 治勞嗽

桑白皮

熟地黃各三人參

紫苑

黃芪

五味子 各一兩

右咳嗽每服一兩水二盞煎至八分入蜜少許食後溫

服

靈肺湯 楊氏家藏方 治榮衛俱虛發熱自汗肺氣喘急咳

嗽痰唾

人參 去苦

當歸 去苦

白朮

熟地黃

川芎 白芍藥 甘草炙 五味子

麥門冬 桑白皮 白茯苓去皮各半兩

阿膠蛤粉炒

右以咀每服一兩生姜五片水二盞煎至一盞去滓通

口服食後

五味黃芪散 按粹方治嗽咯血成勞眼睛疼痛四肢困倦

脚膝無力

麥門冬去心 熟地黄 黃芪

人參三錢 甘草 芍藥 五味子各二錢

右以咀每服八錢水二盞煎至八分去滓溫服食後

溫金散 大全良方治勞嗽

甘草 黃芩 桑白皮 防風各一兩

杏仁粒製 人參去芦 茯神各五錢 麥門冬去心

半

右以前五味用水泔水浸一宿晒乾次入人參茯神麥

門冬三味同為末每服二錢水一盞煎至八

分食後溫服

人參潤肺丸

人參 山藥 蓮肉 款冬花

蛤粉 杏仁去皮尖 藕節五兩 紅棗煮去核

各一兩 紅棗煮去核

大蘿蔔一箇
煮熟

右為未棗肉丸梧子大每服五十九白湯下食後

人參五味子散聖惠方治男女老稚諸虛百損氣血勞傷

涎喘欬膿或嗽哈血寒熱往來夜有盜汗羸瘦困乏一

切虛損

人參

五味子

桔梗

白朮

白茯苓

甘草炙

熟地黄

當歸各半兩

地骨皮

前胡去苗

桑白皮炒

枳殼去穢炒

黃耆炙

陳皮去白

柴胡各三錢

右咬咀每服八錢水一盞半生姜二片煎至八分去滓

溫服食後日三煩渴加烏梅青蒿煎咳膿血加知母阿

膠煎尤妙

大寧嗽湯直指方治勞嗽諸嗽通用如神効

北五味

茯苓去皮

桑白皮炒

紫蘇

細辛

橘皮

枳殼麸炒

杏仁麸炒去

甘草炙

阿膠炒

粟殼去穢蜜炒

半夏湯洗五錢勞嗽加川芎

右咬咀每服一兩水二盞棗一枚姜三片烏梅半箇煎

至一盞溫服

加味人參紫苑散直指方治虛勞咳嗽

五味子 人參 紫苑茸 陳皮

貝母 紫蘇葉 桑白皮炒 白茯苓各一兩

杏仁炒去皮 甘草各七錢半 加川芎 半夏麩各一兩

阿膠蛤粉炒五錢

右咬咀每服一兩水二盞姜七片棗二枚烏梅一箇煎

至一盞溫服

人參蛤蚧散 治三年肺氣上喘咳嗽咯唾膿血滿面生

瘡遍身黃腫

蛤蚧一對全者河水浸五宿換水洗去腥酥炙黃

杏仁去皮尖

人參 甘草各五兩 知母

桑白皮

茯苓去皮 貝母各三兩

右為細末淨磁盒兒內盛每日用茶點服一錢匕神效

○廣按治嗽方中多用人參以其肺虛故也然肺受火

邪又嗽喘滿吐血與夫陰虛火動午後發熱兼嗽者

切宜忌之然肺受寒邪喘嗽與夫陽虛火動晝夜發

熱兼嗽者宜用亦須知母貝母天門冬麥門冬瓜蒌

之類擇其一二味監制可也丹溪云子每治病以某

藥為主治以某藥為引經以某藥為監制是也

○已上數方治勞嗽之劑

三母散 治嗽久不愈者常服除根累效

知母

貝母等分

右為細末老生姜切片蘸藥細嚼白湯下

人參紫苑湯言一選方治肺氣不調咳嗽喘急久不愈者

五味子

二錢半杏仁半兩

人參

紫苑

甘草各二錢縮砂一兩

桂枝二錢半欬冬花半兩

罌粟殼去穢製一兩

右以咀每服四錢水一盞姜五片烏梅二枚煎服

人參理肺散按粹方治喘嗽不止

麻黃

去節一兩炒米殼二兩炒

人參二兩去當歸

木香各一兩杏仁三兩炒

右為粗末每服四錢水煎服

人參欬花膏和劑方治肺受虛寒久嗽不已咽膈滿悶咳

嗽痰涎嘔逆惡心腹脇脹滿腰背倦痛或勞虛冷嗽及

遠年近日一切嗽病服諸藥不効者皆治

欬冬花

去梗人參去芦

北五味去梗炒紫苑洗去芦

桑白皮各一兩

右為末煉蜜丸雞頭實大每服一丸細嚼姜湯下臨卧

食後服

人參欬冬花散按粹方治喘嗽久不已者

人參去芦

欬冬花各五錢知母

貝母

半夏各三錢 栗殼一兩炒

右以咀每服八錢水一盞半烏梅一箇煎至八分食後
臨卧温服加生姜五片同煎

補肺湯直指方治肺虛氣乏久嗽

阿膠炒 蘇子 桔梗 半夏制

甘草炙各半 欬冬花 砂仁 紫苑

細辛 杏仁去皮炒 陳皮去白 桑白皮炒

青皮去白 五味子 石菖蒲 草果格二錢

右以咀每服一兩水二盞生姜四片紫蘇三葉煎至八
分温服

治多年喘嗽

人參 麻黃 甘草各二兩

右為末每服二錢杏子五箇搗碎無根水同煎和滓食
後服

治遠年近日一切咳嗽

人參 五倍子 杏仁去皮 半夏七錢

右用蘿蔔去頂取空以單麻子去殼四十九粒明瓦五
錢為末二味入蘿蔔內以頂蓋紙裹煨研丸每服十九

臨卧烏梅湯下

人參湯經驗方治遠年嗽

麻黃去節

杏仁去皮尖炒

甘草炙四兩

桑白皮

五味子

粟殼製

陳皮各五錢

麥門冬三錢

紫苑一兩
人參去芦四錢
阿膠七錢

右以咀每服一兩水二盞煎至八分去滓溫服食後

治多年嗽百一選方

杏仁去皮尖半夏湯泡七次南星生用

甘草生用各等分

右以咀每服八錢生姜七片棗一枚水一盞半煎至八

分食後溫服

諸般嗽不已

粟殼製上

烏梅去核

陳皮去白

人參去芦

木香下

五味子中桔梗炒上

杏仁去皮尖

石膏中

甘草下

右以咀每服八錢薑水二盞煎至八分去滓溫服食後

九仙散 治一切咳嗽

人參

款冬花

桔梗

五味子

阿膠

烏梅各一兩

貝母

罌粟殼各半兩

桑白皮一兩

右為細末每服三錢白沸湯點服

大參清肺湯和劑方治肺胃虛熱咳嗽喘急坐卧不安并

治久年勞嗽垂血腥臭

後收

卷之五

三

一百九十五

阿膠炒

杏仁

去皮炒

桑白皮

地骨皮

人參

知母

烏梅去核

甘草炙

罌粟殼

去蒂蓋蜜炙各等分

右吹咀每服三錢水盪半生姜棗子各一枚煎至一盞

食後溫服

○已上數方治咳嗽喘急久不愈之劑

○廣按肺主皮毛人之無病之時榮衛周流內氣自皮

膚腠理普達於外一或風寒外束則內氣不得於外

達便從中起所以氣升痰上故咳嗽宜用辛溫辛涼

之劑以發散風寒則邪退正復而嗽止也又按肺為

華蓋凡飢飽

勞役喜怒憂恐與夫飲醇醪食厚味則

火升痰上而傷於肺亦作咳嗽宜用降火豁痰之劑

則火降痰消而咳止也又按肺主氣運行血液周流

一身今也肺受火邪氣從火化有升無降為嗽為喘

久而不治虛極至損則不能運行氣液發為煩熱驚

悸咳唾粘涎膿血宜用補虛潤燥開鬱散火之劑則

肺得清正而嗽止也故治咳嗽要知新久之異虛實

之殊補瀉之宜也矣

欬嗽治例

出明醫雜著

王節齋曰欬謂有聲肺氣傷而不清嗽謂有痰脾濕動

而生痰欬嗽者因傷肺氣而動脾濕也病本雖分六氣
五臟之殊而其要皆主於肺蓋肺主氣而聲出也須分
新久虛實新病風寒則散之火熱則清之濕熱則瀉之
久病便屬虛屬鬱氣虛則補氣血虛則補血無鬱則開
鬱滋之潤之斂之降之則治虛之法也

主方一

杏仁去皮尖白茯苓各一錢橘紅七分 五味子

桔梗 甘草各五分

春作多上升之氣宜潤肺抑肝加川芎芍藥半夏各一錢

麥門冬炒黃芩炒知母各五分

春若傷風致欬鼻流涕宜辛涼解散加防風薄荷紫

蘇炒黃芩麥門冬各一錢

夏多火熱炎上最重宜清金降火加桑白皮知母炒黃

芩麥門冬石膏各一錢

秋多濕熱傷肺宜清熱瀉濕加蒼朮桑白皮各一錢防

風黃芩山梔炒各五錢

冬多風寒外感宜解表行痰加麻黃桂枝半夏生乾姜

防風各一錢肺經素有熱者再加酒炒黃芩知母各

分若發熱頭疼鼻塞聲重再加藁本川芎前胡柴胡

各錢

若有痰加半夏枳殼風痰再加南星 姜汁炒 濕痰脾困

少食加白朮蒼朮 有痰而口燥咽乾勿用半夏南

星宜加知母蜜水拌炒貝母瓜蒌仁黃芩炒

若夏月熱痰或素熱有痰加黃芩黃連知母石膏

上半日欬者胃中有火加貝母石膏黃連 五更嗽者

同治

黃昏欬者火浮於肺不宜正用寒涼藥宜加五味子訶

子皮欬而降之

若欬嗽久肺虛滋氣補血加人參黃耆阿膠當歸生姜

天門冬欬冬花馬薹鈴酒芍藥之類肺熱咳喘去人

參用沙參此兼補氣血也

若午後欬者屬陰虛即勞嗽也宜補陰降火加川芎當

歸芍藥熟地黃黃柏知母竹瀝姜汁天門冬瓜蒌仁

貝母此專補陰血也

若火鬱嗽謂痰鬱火邪在中宜開鬱消痰用訶子皮香

附米瓜蒌仁半夏麩海石青黛黃芩為末蜜調為丸

噙化仍服前補陰降火湯藥失治則成勞

若痰積食積作咳嗽者用香附瓜蒌仁貝母海石青黛

半夏麩軟石膏山楂子枳實姜炒黃連為末蜜調噙

化

若勞嗽見血加阿膠當歸為藥天門冬知母貝母桑白皮亦於前肺虛陰虛二條擇用大抵咳嗽見血多是肺受熱邪氣得熱而變為火火盛而陰虛不得安寧從火上升故治宜瀉火滋陰忌用人參等甘溫補氣之藥然亦有氣虛而咳血者則宜用人參黃耆款冬花之類但此等證不多耳

因欬而有痰者欬為重主治在肺因痰而致欬者痰為重主治在脾但是食積成痰痰氣上升以致欬嗽只治其痰消其積而欬自止不必用肺藥以治嗽也

○肺痿

丹溪心法

肺痿治法在乎養血養肺養氣法全曾治一婦人二十餘歲胸膈間一竅口中所咳膿血與竅相應而出以人參黃芪當歸補氣血之劑加退熱排膿等藥而愈

附脉理

脉訣舉要曰寸數虛瀯肺痿之形

附諸方

人參養肺湯 治肺痿證咳嗽有痰午後熱并聲嘶者

人參 去芦

甘草

阿膠珠 各一錢

茯苓 一錢半

柴胡 四錢

五味子

貝母

杏仁 炒

咳嗽

心法附錄卷之五

三十五

桔梗

炒各一錢半

桑白皮

二錢

枳實

一錢五分

右咳嗽每服八錢生姜三片棗一枚水一盞半煎至八

分食後溫服

知母茯苓湯宣明方治肺痿喘嗽不已往來寒熱自汗

茯苓

甘草

知母

五味子

人參去芦

薄荷

半夏洗十次

柴胡去苗

白朮

款冬花

桔梗

麥門冬去心

黃芩各半兩

川芎

阿膠炒各三錢

右咳嗽每服一兩水一盞生姜十片煎至一盞去渣通

口服食後

人參平肺散按粹方治心火剋肺傳為肺痿咳嗽喘嘔痰

涎壅盛胸膈痞滿咽蓋不利

桑白皮

炒

知母

七錢

甘草

地骨皮

各半兩

五味子

二錢

茯苓

青皮

人參各四錢

陳皮

去白

天門冬

吐心

如熱加黃芩四錢紫蘇葉

半夏各半兩

右咳嗽每服五錢水二盞生姜三片煎至八分去滓溫

服或為末姜汁丸彈子大噉化亦得食後

紫苑散按粹方治咳嗽唾中有膿血虛勞證肺痿癰

人參

紫苑

知母

貝母

各一錢半

咳嗽

心法附錄卷之五

三十五

三百六十九

桔梗一錢 甘草半錢 五味一錢 茯苓一錢

阿膠炒五分

右咳唾水煎服一二錢等分水二錢生薑二片煎至一盞食前服

劫勞散 按粹方治心腎俱虛勞嗽二三聲無痰遇夜發熱熱過即冷時有盜汗四肢倦怠體力黃瘦飲食減少夜臥恍惚神氣不寧睡多異夢此藥能治微嗽唾中有紅線名曰肺痿若不治便成癆瘵之疾

白芍藥六兩 黃耆 甘草 人參

半夏洗 白茯苓 熟地黄 當歸

五味子 阿膠炒各二

右咳唾每服一兩水二盞生薑二片棗二枚煎至一盞服不拘時

○肺癰

丹溪心法

肺癰已破入風者不治 用醫壘元戎搜風湯其之 或用太乙膏成丸食後服 收斂瘡口止有合歡樹皮白欬煎飲之合歡即槿樹皮也又名夜合

附論

○廣按書云咳嗽有濁唾涎沫或咳嗽唾中有紅線膿

三十一 丙 三十九

血名曰肺痿熱在上焦故也如口中辟辟燥欬即胸中隱隱痛名曰肺癰欬傷肺葉成也

附脉理

脉訣舉要曰寸數而實肺癰已成寸數虛瀉肺痿之形肺癰色白脉宜短瀉死者浮大不白而赤

附諸方

桔梗湯 齊生方治肺癰咳數膿血咽喉多渴大小便赤澀

桔梗 去芦 貝母 去心膜 當歸 去芦 酒 瓜蒌子

枳殼 去穰 麩 杏仁 炒 桑白皮 蜜水 防己 各二兩

黃芪 去芦 一廿草節 生用 杏仁 麩 炒 尖 百合 各半

石咬咀每服五錢水盞半生姜五片煎入分不拘時服

如大便秘加大黃小便赤少加木通

消膿飲 直指方治肺癰膿腥氣上衝而嘔咳欬

南星 生一兩 知母 貝母 白芷

生地黃 阿膠 炒 川芎 桑白皮 炒

白芨 各半兩 甘草 炙 防風 射干

桔梗 紫蘇葉 天門冬 去心 薄荷

杏仁 不去皮 半夏 姜製 各七錢半

右咬咀每服一兩水二盞生姜七片烏梅一箇煎至八分食後溫服

黃芪散 治肺癰

用白紫蜜炙為細末每服一大匙食遠黃芪湯調服

一方 治肺癰吐膿

桔梗炒一兩 甘草炙半兩

右每服一兩水一鍾半煎八分空心服吐盡膿為効

霍亂

十七

丹溪心法

○內有所積外有所感致成吐瀉仍用二陳湯加減作吐以提其氣此非鬼神皆屬飲食前人確論乃陽不升陰不

降乖隔而成切莫與穀食雖米飲一呷入口即死必待吐

瀉過二三時直至飢甚方可與稀粥食之脉多伏欲絕

見成吐瀉不徹遂用吐提其氣起或用樟木煎湯吐之亦

可。大法生姜理中湯最好不渴者可用如渴者用五苓

散。有吐者以二陳湯探吐亦有可下者。轉筋不住男子

以手挽其陰女子以手牽乳近兩邊此千金妙法也。轉

筋苦屬乎血熱四物湯加酒炒紅花蒼朮南星煎服。乾

霍亂者最難治死在頃刻非神不道當以吐提其氣極是

良法世多用益湯此係內有邪氣所遏有用

吐者則無發散之義有用

霍亂 卷之六 三十一

陳湯加解散藥

二陳湯加

川芎

秦艽

防風

白芷云白

石剉姜五片煎服

治霍亂方

蒼朮

厚朴

陳皮

葛根各一錢

滑石三錢

白朮二錢

木通一錢

甘草炙五分

石剉入姜煎湯下保和丸四五十九

戴云霍亂者吐也有聲有物先有聲無物而躁亂者謂

之乾霍亂也

二陳湯

見痰類

理中湯

見中寒

五苓散

見溫熱

四物湯

見補損

附論

○廣按人於夏月多食生冷因脾虛不能運化加以外

感風寒則揮霍亂上吐下瀉也人見倉卒躁擾痛悶

似有鬼神然實非鬼神乃飲食痞隔上下不通將欲

吐瀉故如是也

附脉理

卷之六

治法

口

二百五十六

脉訣舉要曰滑數為嘔代者黑口亂微滑者生瀉數凶斷又
曰滑而不勻必是吐瀉霍亂之候脉代勿訝

附諸方

姜附湯 治中寒霍亂轉筋手足厥冷

理中湯 治中寒霍亂吐瀉 世見中寒

通脉四逆湯 濟生方治霍亂多氣內冷脉絕

吳茱萸炒二兩 附子炮一兩 桂心去皮不木通

細辛 白芍藥 甘草 煨熟 當歸去芦

右咬咀每服四錢水一盞酒半 薑七片棗一枚煎七

分温服

氣湯三因方治七氣鬱結五臟之間互相刑剋陰陽不

和揮霍變亂吐利交作

半夏湯洗五兩 厚朴姜製 桂心略 白芍藥

茯苓去皮各紫蘇葉 橘皮略 人參去芦

每服四錢水一盞酒半盞生姜七片棗一枚煎七分温

服

五苓散 治霍亂吐瀉煩渴引飲 見温熱

香朴飲子 治伏熱吐瀉虛煩作亂 見中暑

藿香正氣散 治中濕霍亂吐瀉

不換金正氣散 治霍亂轉筋嘔吐泄瀉煩渴 並見冒寒

二香散 治暑濕相搏霍亂轉筋煩渴悶亂

藿香二兩 半夏 陳皮 桔梗

白朮 大腹皮 茯苓 厚朴

紫蘇 白芷各一兩 甘草二兩 黃連二兩

香薷一斤 扁豆半斤

每服用水一鍾半生姜三片葱白二根煎食後熱服此

即藿香正氣散黃連香薷飲相合也

既濟湯醫方集成 治霍亂後虛煩不得眠

人參去芦 甘草炙 淡竹葉各一兩 麥門冬去心

附子炮半 半夏湯洗

右以咀每服四錢水二盞薑五片粳米百餘粒煎空心

溫服

麥門冬湯濟生方 治霍亂已愈煩熱多渴小便不利

麥門冬去心 橘皮去白 半夏湯泡 白茯苓去皮

白朮各一兩 人參去芦 甘草炙各半 小麥半合

右以咀每服四錢水盞半姜五片烏梅少許煎八分溫

服

木瓜湯直指方 治霍亂吐瀉轉筋攪悶

酸木瓜二兩 茴香微炒二錢 甘草炙二錢 吳茱萸洗炒

右以咀每服四錢姜五片紫蘇十葉煎服空心

桂苓甘露散 治中暑霍亂吐瀉發渴引飲 見中暑

加減理中湯

人參

白朮

乾姜

甘草炙各

若為寒氣濕氣所干者加附子一兩名附子理中湯

若霍亂吐瀉加陳皮青皮各一兩名治中湯 若乾霍

亂心腹作痛先以鹽湯少許頻服候吐出令透即進此

藥 若嘔吐者於治中湯內加丁香半夏一兩每服生

姜十片同煎 若泄瀉者加橘紅茯苓各一兩名補中

湯 若泄泄不止者於補中湯內加附子一兩不喜

飲米穀不化者再加縮砂仁二兩共成八味 若霍亂

吐下心腹作痛手足逆冷於本方內去白朮加熟附名

四順湯 若傷寒結胸先以桔槲枳殼等分煎服不愈

者及諸吐利後胃痞欲絕心膈高起急痛手不可近者

加枳實茯苓各一兩名枳實理中湯 若渴者再於枳

實理中湯內加括萎根一兩 若霍亂後轉筋者理中

湯內加火煨石膏一兩 若臍上築者腎氣動也去朮

加官桂一兩半腎惡燥故去朮恐作奔豚故加官桂

若悸多加茯苓一兩 若渴欲飲水者添加朮半兩

若腹滿者去白朮加附子一兩 若飲酒過多及咳嗽

燔熱食發為鼻衄加川芎一兩 若傷胃吐血以此藥

能理中皖分利陰陽安定血脉只用本方

三因白朮散 治中暑嘔吐暈眩及大病後調理失宜勞

復如初及脾胃虛損面色萎黃飲食不美口吐酸水滑

泄腹鳴飲食所傷霍亂吐瀉並宜服之

白芷 甘草炙 青皮去白 白茯苓

桔梗 山藥 香附子各三兩 乾姜半兩

白朮 陳皮各一兩

每服水一鍾生姜三片棗一枚木瓜一片紫蘇葉三三

片煎食前服 若吐瀉加白梅煎 喘加桑白皮杏仁

傷寒勞復加薄荷 膈氣加水通入麝香少許 中

暑嘔逆加香薷霍亂加藿香 產後泄瀉加荆芥 氣

厥入鹽煎服

調中白朮散 治大病後吐瀉煩渴霍亂虛損氣弱及酒

毒嘔歲

白朮 茯苓去皮 人參各半 甘草一兩五錢

木香一錢 藿香半兩 葛根兩

右為末白湯調服二錢煩渴加滑石二兩甚者加姜汁

人參散 經驗方止吐逆及治瀉後煩渴常服調中和氣

茯苓去皮 人參各半 葛根一兩 藿香去土

木香

甘草

右咬咀每用水二盞煎至一盞通口服瀉後渴甚者加

滑石一錢

止渴湯經驗方治霍亂煩渴

甘草炙

人參去芦

麥門冬去心 茯苓去皮

桔梗

瓜蒌根

澤瀉

葛根各半

右為末蜜湯調二錢服

回生散百一選方治霍亂吐瀉但一點胃氣存服之回

生

陳皮去白

藿香去土

右咬咀每服一兩水二盞煎至一盞去滓溫服不拘時

候

安瀉飲直指方治霍亂欲吐不吐欲瀉不瀉

鹽一兩

生姜切兩

右同炒令色變以水一椀煎熟溫服甚者加童子小便

一盞

治絞腸痧證經驗方治手足厥冷腹痛不可忍者以手蘸

溫水於病者膝腕內拍打有紫黑點處以針刺去惡血

即愈又一法用麻弦小竹弓蘸香油或熱水括手足背

背額項即愈

備急大黃丸 療心腹諸痛卒暴百病用此藥吐下即愈
方見傷食

○廣按乾霍亂者乃寒濕太甚脾被絆而不能動氣被
鬱而不能行所以卒痛而手足厥冷惡心嘔噦也俗
名攪腸沙者蓋言痛之甚也除用藥不言外北方刺
青筋以出氣血南方括胃背手足以行氣血俱能散
病然出氣血不如行氣血之爲愈也蓋霍亂乃氣病
非血病也今刺青筋固能散氣而血因之以傷况人
之一身氣常有餘血常不足今不足者又從而傷之
是不足之中又不足也少壯之人庸或得免而衰老

之人則不免於死也何以空言之氣爲血之先導血爲
氣之依附今陰血旣乏則氣失其依附必然發越
不死待書曰陽虛必惡寒陰虛必發熱蓋氣有餘
便生火火動則發熱熱久而陰血愈消經曰陰虛則

Large stylized watermark or seal, possibly containing the characters '世' (Shi) and '世' (Shi) in a decorative arrangement.

Rectangular frame containing faint, vertically oriented text, likely bleed-through from the reverse side of the page. The text is mostly illegible due to fading.

Faint vertical text on the left side of the rectangular frame, possibly including the characters '世' and '世'.

Faint vertical text in the middle of the rectangular frame, possibly including the characters '世' and '世'.

Faint vertical text on the right side of the rectangular frame, possibly including the characters '世' and '世'.

